



Ronny Haukland
Boksaspa 134
6670 ØYDEGARD

Saksbehandlar, innvalstelefon

Pernille Stordal Rønning, 71 25 84 83

Løyve for uttak av ved i Boksaspa naturreservat - Tingvoll kommune

Statsforvaltaren i Møre og Romsdal viser til e-postar datert 21.03.2021 og 24.03.2021 der de søker om uttak av ved til eige bruk, køyring av ATV med hengar og rydding av kulturminne i Boksaspa naturreservat.

Søknaden

Det er søkt om uttak av nokre bjørketre som ved til eige bruk nord og sør på gbnr 139/2 i Boksaspa naturreservat (sjå figur 1). Det skal brukast ATV med hengar til uttaket. Køyringa vil stort sett vere utanfor naturreservatet, det er berre ein liten del av naturreservatet i sør som blir aktuell for køyring. Det er også et ønske om å rydde kulturminne (gravminne) som ligg delvis innanfor naturreservatet i sør.

I dette løyvet behandlar vi uttak av ved i nordre delar av naturreservatet (sjå figur 1 og 2). Uttaket av bjørk i sør, køyring av ATV med hengar og rydding av kulturminna vil bli svara ut etter påske i samråd med Møre og Romsdal fylkeskommune.

Lovgrunnlag

Søknaden er vurdert opp mot gjeldande verneforskrift, fastsett ved kongeleg resolusjon 27.06.2003. All vegetasjon er verna mot skade og øydelegging etter § 3.1. Det kan etter søknad gjevast løyve til hogst av ved til eige bruk i medhald av § 5.2.

Søknaden må også vurderast etter prinsippa i naturmangfaldlova (nml) §§ 8-12, jf. § 7. Dette er prinsipp som omfattar vurdering av kunnskapsgrunnlag (§ 8), føre-var-omsyn (§ 9), samla belastning (§ 10), kostnader knytt til ev. skade på naturmangfald (§ 11) og miljøforsvarleg teknikk/driftsmetode (§ 12).

Statsforvaltaren si vurdering

Formålet med naturreservatet er å ta vare på den nordlegaste eikeskogen i verda av nokon storleik med det naturlege plante- og dyrelivet. Spesielle kvalitetar er førekomstar av sjeldne lav- og soppartar.



Uttak av nokre bjørker i den nordlege ytterkanten av reservatet (i det skravert området nord på kartet i figur 1) vil ikkje ha negativ effekt på verneverdiane, og er også i samsvar med føringane i forvaltningsplanen. Det går ein straumleidning i det aktuelle området, så uttak av nokre tre kan vere nødvendig om nokre år uansett.

Kunnskapen om verknader på naturmangfaldet er tilstrekkeleg til å vurdere saka (nml § 8), og føre var-prinsippet får ikkje vekt (nml § 9). Den samla belastinga på økosystemet aukar ikkje (nml § 10), og det er satt vilkår for løyvet (nml §§ 11 og 12).

Vedtak

Statsforvaltaren gjer Ronny og Ragnhild Haukland løyve til uttak av ved til eige bruk i nordlege delar av naturreservatet på gbnr 139/2 slik det går fram av søknad av 21.03.2021 og 24.03.2021 med tilhøyrande kart og bilde, og på dei vilkåra som er sett opp nedanfor. Heimel for vedtaket er § 5.2 i verneforskrifta for Boksaspa naturreservat.

Vilkår

- Uttak av ved gjeld primært treslaget bjørk, men gran-arter kan også takast ut.
- Uttaket skal skje i det skraverte området teikna på kart (figur 1), og som vist på bilde (figur 2).
- Det skal ikkje køyrast med motorkøyretøy i reservatet.

Anna lovverk

Vi gjer merksam på at vedtaket berre omfattar løyve etter verneforskrifta. Nødvendige løyve etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Pernille Stordal Rønning
rådgivar


Dokumentet er elektronisk godkjent

Kopi til:

MØRE OG ROMSDAL FYLKESKOMMUNE
Statens naturoppsyn
TINGVOLL KOMMUNE

Postboks 2500
Postboks 5672 Sluppen
Midtvågeven 2

6404 MOLDE
7485 TRONDHEIM
6630 TINGVOLL



Figur 1: Kart innsendt av søker med skraverte områder kor det er ønske om uttak av ved, og rød strek visar køring med ATV og hengar. Kulturminna er også vist.



Figur 2: Bjørk som søker ønskjer å ta ut til ved i nordlege delar av naturreservatet. Det går ein stramleidning i området.